



Reykjavíkurborg  
Velferðarsvið

Málsnr.: 216070008  
Skjalasafn Ráðhúss  
20. feb. 2017  
Bréfalykill: 230

Reykjavík, 17. febrúar 2017  
2014120048  
17.0

Borgarráð  
Ráðhús Reykjavíkur

### ***Vegna kaupa á átta nýjum rýmum í vinnu-og virknimiðaðri stoðþjónustu***

Á fundi velferðarráðs þann 16. febrúar 2017 var lögð fram tillaga, dags. 23. janúar 2017, vegna kaupa á átta nýjum rýmum í vinnu-og virknimiðaðri stoðþjónustu, ásamt fylgigagni.

Lagt er til að velferðarsvið gangi til samninga við Ás styrktarfélag um kaup á átta nýjum rýmum í vinnu og virknimiðaðri stoðþjónustu, til að tryggja að ekki verði rof í þjónustukeðju velferðarsviðs í vor við útskrift framhaldsskólanema. Áætlaður kostnaður fyrir árið 2017 er 60 milljónir kr.

Samþykkt að visa tillögunni til borgarráðs.

Velferðarráð samþykkir eftirfarandi bókun:

Nú liggur fyrir kostnaðargreind uppbyggingaráætlun í vinnumiðaðri stoðþjónustu fyrir fatlað fólk. Mikilvægt er að mið sé tekið af henni við vinnslu fjárhagsáætlunar hvers árs og gert ráð fyrir þeirri aukningu á þjónustubörf sem liggur fyrir. Nú hefur verið brugðist við fjölgun rýma á árinu 2017 og ítrekar velferðarráð mikilvægi þess að gert sé ráð fyrir fyrirséðri aukningu í vinnumiðaðri stoðþjónustu við gerð fjárhagsáætlunar á árinu 2018.


Fulltrúi Framsóknar og flugvallarvina leggur fram eftirfarandi bókun:

Fulltrúi Framsóknar og flugvallarvina samþykkir fyrirbyggjandi tillögu um að bæta við átta nýjum rýmum í vinnu- og virknimiðaðri stoðþjónustu svo að ekki verði rof í þjónustu við þá fötluðu einstaklinga sem að eru að útskrifast úr framhaldsskóla í vor.

Einnig er mikilvægt að velferðarráðuneytið komi til móts við þá ósk velferðarsviðs að Reykjavíkurborg fái greidd daggjöld vegna vinnumiðaðrar stoðþjónustu við fatlaða aldraða sem eru 67 ára og eldri og geta ekki nýtt sér hefðbundin úrræði.

Þetta er hér með sent ykkur til staðfestingar.

Virðingarfyllst,

  
Elly Alda Þorsteinsdóttir  
skrifstofustjóri



Reykjavíkurborg  
Velferðarsvið

Skrifstofa ráðgjafarþjónustu  
Deild sértækrar ráðgjafar  
Vinnsla *Katrín Þórdís Jacobsen*  
Ábyrgðarmaður *Kristjana Gunnarsdóttir*  
Dags. 23.01.2017  
GoPro nr. 2014120048

Lagt fyrir fund velferðarráðs þann 16. febrúar 2017

## Tillaga

Lagt er til að velferðarsvið gangi til samninga við Ás Styrktarfélag um kaup á 8 nýjum rýmum í vinnu og virknimiðaðri stoðþjónustu til að tryggja að ekki verði rof í þjónustukeðju velferðarsviðs í vor við útskrift framhaldsskólanna. Áætlaður kostnaður fyrir árið 2017 er 60 mkr.

### Forsaga:

- Þann 19. janúar 2017 var lagt fyrir velferðarráð tillaga að uppbyggingaráætlun í vinnumiðaðri stoðþjónustu fyrir fatlað fólk til næstu 10 ára. Í kjölfarið samþykkti velferðarráð eftirfarandi tillögu:

„Velferðarráð felur velferðarsviði að vinna tillögur til að bregðast við þörf fyrir vinnumiðaðri stoðþjónustu á árinu 2017 til að hægt sé að bregðast við þörf í náinni framtíð. Mikilvægt er að fylgja eftir þeirri ósk að fá 10 dagdvalarrými fyrir 10 fatlaða aldraða einstaklinga við velferðarráðuneytið þar sem um brýna þörf er að ræða“.

### Greinargerð:

Reykjavíkurborg hefur byggt upp öfluga þjónustukeðju fyrir börn og ungmenni með tilkomu lengdrar viðveru fyrir fötlúð börn á aldrinum 10 – 20 ára. Við útskrift úr framhaldsskóla við 20 ára aldur verða ákveðin tímamót í þjónustu þar sem að vinnumiðuð stoðþjónusta þarf að taka við.

Í vor munu 8 einstaklingar af sérnámsbrautum framhaldsskólanna sem hafa þörf fyrir vinnumiðaða stoðþjónustu útskrifast. Miðað er við þá einstaklinga sem njóta lengdrar viðveru í Hinu húsinu samhliða námi á sérnámsbraut framhaldsskólanna og hafa mjög skerta starfsgetu.

Allir þessir 8 einstaklingar búa í foreldrahúsum og mikilvægt er að þeir fái áframhaldandi þjónustu hjá Reykjavíkurborg. Komi rof í þjónustukeðjuna myndi það mögulega hafa í för með sér að foreldrar þyrftu að hverfa af vinnumarkaði þar sem að þessir einstaklingar hafa þörf fyrir umönnun og aðgæslu allan sólarhringinn. Að auki gæti komið til kostnaðaraukingar í stuðningsþjónustu velferðarsviðs.

Nú þegar er búið er að úthluta í öll þau rými sem velferðarsvið hefur yfir að ráða en eftir stendur að bæta þarf nýjum rýmum til að viðkomandi einstaklingar fái viðunandi þjónustu allan daginn og ekki verði rof á þjónustukeðju Reykjavíkurborgar.

Þegar litið er til þess hóps sem um ræðir eru stuðningsþarfir nokkuð ólíkar og þörf fyrir mikla breidd í úrræðum. Með því að ganga til samninga við Ás styrktarfélag um 8 ný rými í vinnu og virkni væri hægt að tryggja að allir þeir einstaklingar sem útskrifast í vor fái viðunandi þjónustu í haust og þjónustukeðjan haldist.

Velferðarráðuneytinu hefur verið sent bréf til að ítreka ósk um 10 dagdvalarrými fyrir fatlaða aldraða einstaklinga sem þurfa á sérhæfðu úrræði að halda sökum fötlunar sinnar.

### ***Fjárhagsáætlun:***

Gert er ráð fyrir að meðalkostnaður á rými árið 2017 geti numið allt að 7,5 mkr á ársgrundvelli eða alls 60 mkr fyrir 8 viðbótarými.

Ekki er gert ráð fyrir þessum kostnaði í fjárhagsáætlun velferðarsviðs fyrir árið 2017.

### ***Samantekt:***

Lagt er til að gengið verði til samninga við Ás styrktarfélag um 8 ný rými í vinnu og virkni til að hægt sé að bregðast við fyrirsjáanlegum þjónustubörfum fatlaðra ungmenna sem útskrifast af sérnámsbrautum á árinu 2017.

Fylgiskjal:

Minnisblað um kostnaðargreinda uppbyggingaráætlun í vinnumiðaðri stoðþjónustu fyrir fatlað fólk sem lagt var fyrir fund velferðarráðs 19. janúar 2017.



Reykjavíkurborg  
Velferðarsvið

Skrifstofa ráðgjafarþjónustu  
Deild sértækrar ráðgjafar  
Vinnsla Katrín Þórdís Jacobsen/Jenný  
Stefanía Jensdóttir  
Ábyrgðarmaður Kristjana Gunnarsdóttir  
Dags. 03.01.2017  
GoPro nr. 2014120048

Lagt fyrir fund velferðarráðs 12.01.2017  
Lagt fyrir að nýju fyrir fund velferðarráðs 19. janúar 2017

## Minnisblað

### kostnaðargreind uppbyggingaráætlun í vinnumiðaðri stoðþjónustu fyrir fatlað fólk

**Efni:** Lögð fram til kynningar kostnaðargreind uppbyggingaráætlun í vinnumiðaðri stoðþjónustu fatlaðs fólks til 10 ára frá 2017-2027.

#### **Forsaga:**

Þann 26. maí 2016 var lagt fyrir velferðarráð minnisblað um þá alvarlegu stöðu sem upp var komin í vinnumiðaðri stoðþjónustu fyrir fatlað fólk. Eftirfarandi var fært til bókar:

*„Velferðarráð felur velferðarsviði að vinna kostnaðargreinda uppbyggingaráætlun í vinnumiðari stoðþjónustu fyrir fatlað fólk. Auk þess óskar ráðið eftir því að allra leiða verði leitað og áætlun lögð fyrir ráðið sem fyrst um með hvaða hætti er hægt að tryggja þeim einstaklingum sem útskrifast úr framhaldsskólum í vor viðunandi dagþjónustu. Einnig er velferðarsviði falið að óska eftir að dagdvalarrýmum fyrir 10 fatlaða aldraða einstaklinga við velferðarráðuneytið“.*

Við yfirfærslu málaflokks fatlaðs fólks í janúar 2011 frá ríki til sveitarfélaga færðist ábyrgð á vinnumiðaðri stoðþjónustu fatlaðs fólks yfir til sveitarfélaganna. Á þjónustusvæðinu voru tveir starfsstaðir á vegum svæðisskrifstofu, lójuberg og Gylfahlöt. Auk þess hafði ríkið gert þjónustusamninga við Ásgarð í Mosfellsbæ og Ás Styrktarfélag vegna starfsemi Áss vinnustofu, Lækjaráss, Bjarkaráss, Lyngáss, Setursins og Selsins.

Á meðan að yfirfærslunni stóð ríkti óvissa um framtíðarskipan atvinnumála fatlaðs fólks þ.e. hvort að þau yrðu á ábyrgði ríkisins eða sveitarfélaganna. Þessi óvissa varð til þess að uppbygging í málaflokknum var í biðstöðu og einungis hugað að bráðamálum.

Í september 2014 samþykkti velferðarráð aukningu um 5 rými í vinnumiðaðri stoðþjónustu í Gylfahlöt. Í janúar 2016 gerði velferðarsvið samning við Blindravinnustofuna um þjónustu við 3 einstaklingar (1 rými) með skerta starfsgetu sem höfðu starfað á Blindravinnustofunni, sem er

verndaður vinnustaður, í áráraðir. Í maí 2016 samþykkti velferðarráð aukningu um 5,5 rými í vinnumiðaðri stoðþjónustu sem skiptust þannig að 5 rýmum var bætt við hjá Ási styrktarfélagi og 0,5 rými í Gylfaglöt. Frá yfirfærslu hefur því rýmum í vinnumiðaðri stoðþjónustu fjölgað um 11,5 rými. Mismunandi er hvort einn eða fleiri einstaklingar geti samnýtt rými, allt háð metnum stuðningsþörfum hverju sinni.

Í viljayfirlýsingu um framtíðarskipan atvinnumála fatlaðs fólks sem undirrituð var í desember 2015 kemur fram að ábyrgð sveitarfélaganna eftir yfirfærslu málaflokksins sé meðal annars rekstur, frekari uppbygging og nýjar starfsstöðvar fyrir verndaða vinnu, hæfingu og virkniþjálfun.

#### *Forsendur uppbyggingaráætlunarinnar:*

Velferðarsvið leggur ríka áherslu á að þjónustukeðja sviðsins sé skilvirk og mun umrædd tillaga veita einstaklingum sem eru á biðlista eftir vinnumiðaðri stoðþjónustu, þjónustu við hæfi. Einnig verður hægt að koma til móts við nýgengi í þjónustunni næstu 10 árin.

- Áætla þarf fjármagn vegna rekstrarkostnaðar þeirra rýma sem lagt er til að bætt verði við núverandi þjónustutilboð.
- Fjöldi umsókna á biðlista eftir vinnumiðaðri stoðþjónustu í desember 2016 eru 10. Áætlað er að nýgengi í þjónustuna næstu 10 árin verði 134 einstaklingar.
- Það er mat sérfræðinga að nauðsynlegt sé að koma til móts við þjónustugarfir umrædds notendahóps með vinnumiðaðri stoðþjónustu sem tekur mið af aukinni tengingu við atvinnulífið en áður hefur verið.

Tilgangur þess að meta nýgengi og brottfall úr vinnumiðaðri stoðþjónustu er að áætla fjölda nauðsynlegra rýma þannig að framboð af þjónustu verði nægjanlegt á hverjum tíma. Hins vegar er erfitt að áætla framtíðar stuðningsþörf yngsta aldurshópsins og verður því að gera ráð fyrir því að nokkur frávik geti orðið á áætlaðri þörf. Einnig þarf að líta til mögulegrar lögfestingar á NPA en það getur skapað óvissu um þörf.

#### *Greinargerð:*

Velferðarsvið Reykjavíkurborgar rekur í dag 2 starfsstaði sem sinna hæfingartengdri þjónustu, lójuberg og Gylfaglöt. Þar fá 64 einstaklingar þjónustu. Einnig er velferðarsvið með samninga við Ásgarð handverksstæði og Ás styrktarfélag en á þeim starfsstöðum fá 181 einstaklingar þjónustu, þar af 34 einstaklingar úr nágrannasveitarfélögum.

Frá yfirfærslu málaflokks fatlaðs fólks frá ríki til sveitarfélaga hefur ekki verið lögð áhersla á uppbyggingu í vinnumiðaðri stoðþjónustu utan þess að rýmum hefur fjölgað í núverandi úrræðum um 11,5 rými til þess að mæta bráðabörf. Á næstu tíu árum er von á stórum árgöngum inn í þjónustuna. Miðað er við þá einstaklinga sem nýta sér lengda viðveru fyrir fatlaða framhaldsskólanemendur sem er sá hópur sem talið er líklegast að þurfi á vinnumiðaðri stoðþjónustu að halda í framtíðinni.

Í desember 2016 eru nú 10 umsóknir á bið eftir úrræði, 5 milliflutningsumsóknir og 4 umsóknir um aukningu.

Fyrir næstu 4 árganga eða einstaklinga fædda á árunum 1997 – 2000 má reikna með að meðaltals nýgengi inn í þjónustuna séu 11 einstaklingar á ári. Ef við lítum svo til næstu sex árganga þar á eftir eða einstaklinga fædda á árunum 2001 – 2006 má reikna með að nýgengi verði að meðaltali 15 einstaklingar á ári. Þetta þýðir að til næstu 10 ára verður þörf fyrir 114 ný

rými ef miðað er við að úrgengi úr þjónustunni sé að meðaltali 2 á ári eins og verið hefur undanfarin ár. Við það bætist fjöldi umsókna á biðlista sem eru 10 eða alls 124.

Árgangur	Fjöldi einstaklinga í hverjum árgangi sem eru í lengdri viðveru fyrir fatlaða.
1997	9 einstaklingar
1998	14 einstaklingar
1999	14 einstaklingar
2000	7 einstaklingar
2001	7 einstaklingar
2002	17 einstaklingar
2003	20 einstaklingar
2004	15 einstaklingar
2005	13 einstaklingar
2006	18 einstaklingar
<b>Samtals</b>	<b>134 einstaklingar</b>

Mikilvægt er að bregðast við þeirri þörf sem blasir við næstu árin. Velferðarsvið leggur áherslu á þjónustukeðju í þjónustu við fatlað fólk, þannig að ekki komi rof í nauðsynlega þjónustu við ákveðin tímamót s.s. útskrift úr framhaldsskóla. Reykjavíkurborg hefur byggt upp öfluga þjónustukeðju fyrir börn og ungmenni með tilkomu lengdrar viðveru fyrir fötluð börn á aldrinum 10 – 20 ára. Við útskrift úr framhaldsskóla við 20 ára aldur verða ákveðin tímamót í þjónustu þar sem að vinnumiðuð stoðþjónusta þarf að taka við. Velferðarsvið hefur brugðist við aukningu á þörf með fjölgun rýma/starfa til að mæta bráðamálum en betur má ef duga skal.

Til þess að fá meira flæði í þjónustukeðjuna er nauðsynlegt að farið verði í uppbyggingu á dagdvöl fyrir aldraða fatlaða einstaklinga og einstaklinga sem fá hamlandi öldrunareinkenni fyrr á æviskeiðinu, sem oft er reyndin þegar um fatlaða einstaklinga er að ræða. Aldraðir fatlaðir einstaklingar sem hafa verið í vinnumiðaðri stoðþjónustu hafa ekki geta nýtt sér hefðbundin dagdvalarúrræði og hafa því sótt þjónustu í hæfingartengdum úrræðum. Það hefur hamlað flæðinu innan þjónustukeðjunnar sem og vöntun á rýmum. Í dag fá 10 einstaklingar 67 ára og eldri þjónustu á starfsstöðum vinnumiðaðrar stoðþjónustu. Formlega hefur verið farið fram á greiðslu daggjalda við velferðarráðuneytið, með bréfi í júní 2016 og ítrekun í nóvember 2016, fyrir dagdvalarrýmum vegna aldraðra fatlaðra einstaklinga sem sökum fötlunar sinnar þurfa á sérhæfðu úrræði að halda. Beðið er svara frá velferðarráðuneytinu.

Eins og fyrr segir rekur Reykjavíkurborg tvo starfsstaði þar sem boðið er upp á vinnumiðaða stoðþjónustu, Gylfaflöt og Iðjuberg. Einnig er Reykjavíkurborg með þjónustusamning við Ás styrktarfélag um stærsta hluta rýma í vinnu og virkni sem er hugmyndafræði sem Ás styrktarfélag

hefur verið að þróa síðustu ár við góðan orðstýr. Ás er að flytja í nýtt húsnæði við Ögurhvarf í Kópavogi og gefur það möguleika á að Reykjavíkurborg semji um fleiri rými. Styrkleikar þjónustuúrræðisins er sá að um mikla breidd í vinnuverkefnum er að ræða sem getur komið til móts við þarfir flestra einstaklinga sem þurfa á vinnumiðaðari stoðþjónustu að halda. Einstaklingum gefast því frekar tækifæri til að færast á milli verkefna allt eftir getu og áhugasviði.

Einnig má geta þess að mikil ásókn er eftir þjónustu hjá Ási styrktarfélagi umfram alla aðra staði á höfuðborgarsvæðinu sem veita viðlíka þjónustu.

#### *Tillögur að áfangaskipt uppbygging um 70 rými á næstu 10 árum*

Til þess að koma til móts við áætlaða þjónustubörf næstu ára þarf að auka rými um 70 sem hægt væri að gera í tveimur áföngum á næstu 10 árum. Það gefur möguleika á að hægt sé að endurmeta þörfina fyrir þjónustu í þeim hópi sem þarf á vinnumiðaðari stoðþjónustu að halda.

Í fyrsta áfanga gæti velferðarsvið Reykjavíkurborgar farið í viðræður við Ás styrktarfélag um aukningu um 40 ný rými í Vinnu og virkni í Ögurhvarfi þar með talin 10 dagdvalarrými fyrir aldraða fatlaða með sértækar þarfir, til næstu fimm ára.

Í öðrum áfanga er lagt til að velferðarsvið Reykjavíkurborgar setji á laggirnar nýjan starfsstað með 30 rýmum. Áhersla yrði lögð á tengsl við atvinnulífið, þannig að starfsmenn gætu fylgt viðkomandi einstaklingum út í fyrirtæki hluta úr degi. Með því er komið til móts við þær hugmyndir að tengja þurfi vinnumiðaða stoðþjónustu meira við atvinnulífið og gefa notendum aukið tækifæri til þátttöku þrátt fyrir skerta starfsgetu.

Með tilkomu 70 nýrra rýma á næstu 10 árum telja sérfræðingar velferðarsviðs að hægt sé að koma til móts við þær þjónustubarfir sem fyrirsjáanlegt er að skapist á þeim tíma. Tekið skal fram að um áætlun er að ræða en flókið er að meta stuðningsþarfir ungmenna langt fram í tímann m.t.t. þarfa fyrir mönnun í úrræðunum. Það er því háð stuðningsþörf hvers og eins hvort að rými nýtist fyrir 1 eða fleiri einstaklinga.

Annar óvissuþáttur í þessari áætlun er lögfesting NPA en óvíst er hvaða áhrif það muni hafa á þörf fyrir umrædda þjónustu. Einstaklingar með NPA þjónustu hafa ekki allir þörf fyrir vinnumiðaða stoðþjónustu í hefðbundnum skilningi þar sem að þjónustan getur verið skilgreind innan samningsins. Það veitir víðtækari tækifæri til samfélagsþátttöku, náms eða vinnu.

Með tilliti til ofangreindra þátta er mikilvægt að hafist verði handa við fyrst áfanga áætlunarinnar þar sem að húsnæði Áss er nú þegar til staðar. Leiði tíminn í ljós að um of- eða vanáætlun sé að ræða gefur annar áfangi áætlunarinnar möguleika á að fækka eða bæta við rýmum við uppbyggingu nýs starfsstaðar. Þess má þó geta að einnig er hægt að fara þá leið að semja við Ás um öll rýmin til 10 ára í stað þess að opna nýjan starfsstað þar sem að með tilkomu nýs húsnæðis í Ögurhvarfi getur þjónustukeðjan hjá Ási rúmað öll þessi rými. Kostir þess að semja við Ás felast m.a. í fjölbreytni vinnuverkefna sem taka mið af starfsgetu einstaklinga og auknum möguleikum á að færast á milli vinnustaða, samanber hugmyndafræði um vinnu og virkni. Mögulegir ókostir kunna að felast í fjölda fólks í þjónustu á einum stað en það er mat sérfræðinga velferðarsviðs að kostirnir vegi þyngra.

#### *Fjárhagsáætlun:*

Skrifstofa fjármála og rekstrar hefur lagt mat á kostnað við uppbyggingu í vinnumiðaðri stoðþjónustu út frá framangreindum forsendum. Miðað er við verðlag ársins 2016.

*Kostnaður við fyrsta áfanga:*

Gert er ráð fyrir 40 nýjum rýmum í Vinnu og virkni hjá ÁS. Meðalverð á núverandi dagþjónusturýmum samkvæmt samningi við ÁS styrktarfélag eru lögð til grundvallar samtals 5.100.000 á rými.

**Kostnaður samtals: 204.000.000**

*Kostnaður við annan áfanga:*

Gert er ráð fyrir 30 nýjum rýmum þar sem áhersla er lögð á tengsl við atvinnulífið og starfsmenn gætu fylgt viðkomandi út í fyrirtæki hluta úr degi. Til grundvallar er kostnaður á rými við Gylfaglöt samtals 10.800.000 á rými.

**Kostnaður samtals: 324.000.000**


***Heildarkostnaður 70 ný rými í vinnumiðaðri stoðþjónustu samtals kr. 528.000.000 á ári***

***Samantekt:***

Þörf er á að bæta við við 70 nýjum rýmum í vinnumiðaðri stoðþjónustu. Þar sem erfitt er að áætla nákvæman fjölda nægjanlegra rýma er lagt til að uppbyggingin verði gerð í tveimur áföngum. Í fyrsta áfanga væri hægt að ganga til samninga við Ás styrktarfélag um 40 ný rými í Ögurharfi þ.m.t. 10 dagdvalarrými fyrir aldraða fatlaða einstaklinga.

Vegna óvissuþátta er lagt til að áður en kemur að öðrum áfanga áætlunarinnar verði gert endurmat á áætlun um nauðsynlegan heildarfjölda rýma innan þjónustukeðjunnar.





## UMSÖGN

Til: Borgarráðs

Frá: Fjármálastjóra

Efni: Tillaga um kaup á átta nýjum rýmum í vinnu- og virknimiðaðri stoðþjónustu

Óskað hefur verið eftir umsögn Fjármálaskrifstofu um tillögu sem lögð var fyrir velferðarráð 16.febrúar 2017 sl. um 60 mkr í auknar fjárheimildir til kaupa á átta nýjum rýmum í vinnu- og virknimiðaðri stoðþjónustu.

Um er að ræða vinnumiðaða stoðþjónustu fyrir 8 einstaklinga sem í vor útskrifast af sérnámsbrautum framhaldsskóla. Beiðni sviðsins um viðbótarfjárheimildir byggir á því að þegar er búið að úthluta í öll þau rými sem sviðið hefur yfir að ráða og að bæta þurfi við rýmum til að viðkomandi einstaklingar fái viðunandi þjónustu allan daginn.

Í greinargerð með tillögunni er fjallað um hvernig Reykjavíkurborg hefur byggt upp öfluga þjónustukeðju fyrir börn og ungmenni með tilkomu lengdrar viðveru fyrir fötluð börn á aldrinum 10 – 20 ára. Við útskrift úr framhaldsskóla við 20 ára aldur verða ákveðin tímamót þar sem vinnumiðuð stoðþjónusta þarf að taka við. Að mati sviðsins er mikilvægt að ekki komi rof í þjónustukeðjuna þar sem það getur haft í för með sér að foreldrar gætu þurft að hverfa af vinnumarkaði sem gæti leitt til kostnaðaraukningar í stuðningsþjónustu velferðarsviðs.

Í tillögunni er lagt er til að gengið verði til samninga við Ás styrktarfélag um 8 ný rými í vinnu og virkni. Kostnaðargreining velferðarsviðs vegna þessa liggur fyrir en gert er ráð fyrir því meðalkostnaður á rými nemi 7,5 mkr á ársgrundvelli eða alls 60 mkr fyrir 8 viðbótarrymi. Fjármálaskrifstofa gerir ekki athugasemdir við þessa kostnaðargreiningu.

Tillagan kallar ekki á jafnréttismat þar sem um er að ræða viðbót við núverandi þjónustu.

*Birgir Björn Sigurjónsson*  
fjármálastjóri